

# Pagina Rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl  
scolastic grischun**

Band (Jahr): **76 (2014)**

Heft 3: **Demokratie**

PDF erstellt am: **16.08.2024**

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

## Laschagn decider igls unfants

An Surses ò la democrazaia decida. A partir digl avost 2014 vignan tot las sco- las primaras fusiunadas. Las singulas tgesas da scola vignan rumagedas, tot las classas rumantschas vignan scasadas central a Savognin, a Beiva resta la scola talianga-tudestga. Chegl monta tgi set bietgs da scola u da scoligna tschertgan ena nova furma per neir duvros. Agls cumegn politics è nia mess a cor da betg leir tschartger alla sperta schliaziuns, ins so anc an pacs lis tge tgi capeta alloura propi cun chels bietgs.

ZEGNA PITTET-DOSCH

### Fantascheia, semis

I dat ena gruppada abitants, na, betg propi anc chels tgi pon vottar. Pero en agen meini on er gio chels scolars tg'on fatg pansiers, tge far cugls bietgs tgi vignan veids. Naturalmaintg gioian raps u la dumonda schi chels plans èn realistics ansomma nigra rolla. Sa resultadas èn ideias fantasticas e semis d'unfants tg'ins pò liger cun en reir an fatscha.

### scola da Riom/garascha speziala

Se cò duvressans finalmaintg eneda ena garascha tgi fò super tunings. Pero avant tgi chegl so capitar, fiss da strer or tot igls plangs e da biagier ena gronda plattforma hidraulica. La fatscheda dalla scola stuess er aver duple stil, nous pansagn cò ad en moster cun quadrats, alv e verd neon.

### scola da Salouf/indrez da wellness

I vign adegna detg, tgi dovran en indrez da wellness. La scola da Salouf fiss adattada tenor nous. Ins pudess far ainten las differents stanzas saunas spezialas, da chellas saunas da vapour, las pi modernas. Er betg mantger pudess dasperas ena tgesa per far massaschas ed en restaurant.

### scoligna da Paronz/abitaziun

La scoligna da Paronz è gio betg schi gronda e perche gl faschessans ordlonder en'abitaziun per ena persunga. I duvress ena tgombra, ena cuschna, ena steiva ed dasper igl sacret ins pudess gio anc biagier

ena duscha. Cun palantschias e pareis fiss da far navot, forsa fiss da colurar da nov las pareis, pero chegl è gio nigra gronda lavour.

### scola da Sur/studio da cosmetica


Sen igl amprem plang dessigl en studio dad unglas, ainten chella stanza ins pudess er eir a comprar igls differents products tg'ins dovra per esser bel. Chella stanza fiss er ena stanza da spetga. Sen la sagond'etscha fiss igl li da lavour d'ena frisunza e cò fiss er ena stanza per trer or igls tgavels. Betg mantger pudess naturalmaintg en studio da sminca. Igl antier bietg vess plattas da crap neiras, las pareids fissan alloura en contrast cun differents calours. Per decoraziun pandessan differents spievels. Chel studio da cosmetica duess esser en li per chellas persungas tgi vottan esser belas per exaimpel schi on en de spezial u chel studio da cosmetica duess simplamaintg far plascheir alla gliout.

### scoligna da Mon/parc per unfants

Nous ans giavischessan ena sort parc cun differents purscheidas. Nous pansagn scu ad en pitschen Europa Parc. Igl nous parc avess alloura sen igls differents plangs otras purscheidas. Per exaimpel en bogn, oravant dasper igl bietg anc en vial da go-cart ed ena piazza da giuier grond. Pigls pitschens dessigl anc en zoo cun animals da cò. Forsa tgi ena tala purscheida attress perfign duple turists.

### scola da Tinizong/halla da gis

Er a Tinizong vessans previa ena halla cun differents gis. La scola da Tinizong è gio gist dasper veia e perche gl fiss forsa bung da far chels gis ainten tgesa da scola. Nous pansagn cò a gis da computer, la scola da Tinizong fiss alloura igl bietg cun igls pi novs gaffens. Forsa tgi perfign persungas digl ester nissan aposta a Tinizong per pruar chels gaffens da gi, avant tgi cumprar. Pero ensatge pudess betg mantger, gist giudem dasper l'antrada biagessans ena buteia tgi vandess dultschems, dultschems spezial an tot las furmas e calours. Uscheia ena buteia scu tgi dat a Coira.



### scola da Stierva/paintball

Nous duvressan la scola e mattessan vetiers gist anc la sala da gimnastica, nous duvressan bler plaz pigl noss semi. Nous vessan fitg gugent en areal da paintball se cò. Pero cò pudessan angal neir unfants tg'èn diesch onns e pi vigls. Igl antier areal da paintball fiss concepia da profis, chels son quants lis da zops tgi dovra u tge gleischs tg'èn las migras. Nous pansagn tgi uscheia ensatge costa fitg bler raps e perche gl custess l'antrada er vantg francs, nous vevans er panso a 15 minutas taimp da giuier, pero chegl è forsa en po curt.